



20 19 йил «29» 11

№ 08-642

«___» _____ 20__ года

**Ўзбекистон Республикаси Президентининг 2019 йил 3 октябрдаги
ПҚ-4472-сон қарори ижросини таъминлаш тўғрисида**

Ўзбекистон Республикаси Президентининг 2019 йил 3 октябрдаги “Ўзбекистон Республикаси Президенти ҳузуридаги Давлат хизматини ривожлантириш агентлиги фаолиятини ташкил этиш чора-тадбирлари тўғрисида”ги ПҚ-4472-сон қарори ҳамда Ўзбекистон Республикаси олий ва ўрта махсус таълим вазирининг 2019 йил 5 октябрдаги 909-сон буйруғи ижросини таъминлаш мақсадида

Б У Ю Р А М А Н:

1. Ўзбекистон Республикаси Президентининг 2019 йил 3 октябрдаги ПҚ-4472-сон қарори (кейинги ўринларда – қарор) ҳамда Ўзбекистон Республикаси олий ва ўрта махсус таълим вазирининг 2019 йил 5 октябрдаги 909-сон буйруғи раҳбарлик ва ижро учун қабул қилинсин.

2. Давлат органлари ва ташкилотларининг кадрлар бўлинмалари республикада **кадрлар сиёсати ва давлат фуқаролик хизматининг замонавий тамойилларини жорий этишда муҳим бўғин** сифатида белгиланганлиги инобатга олинсин.

3. Юрисконсулт (А.Сафаров) мазкур қарорга мувофиқ давлат органлари ва ташкилотлари кадрлар бўлинмаларининг асосий вазифалари белгилаб берилганлиги муносабати билан **бир ой муддатда** Тошкент давлат юридик университетининг Кадрлар бўлими тўғрисидаги низом ҳамда бўлим фаолиятига оид бўлган ҳужжатлар қайта кўриб чиқилиши ва тасдиқланиши таъминласин.

4. Ушбу буйруқнинг бажарилишини назорат қилиш ўқув ишлари бўйича проректор И.Рустамбеков зиммасига юклансин.

Адлия вазири
ўринбосари – ректор

Р. Хакимов